

武昌醫館叢書

五




經史證類大全本草卷之七

○草部上品之下

福州馬藍



江陵府吳藍



蜀州藍葉



藍實



藍實味苦寒無毒主解諸毒殺蠱蚊

音其小兒鬼也

疰鬼瘰

毒久服頭不白輕身其葉汁殺百藥毒解狼毒射罔

毒其莖葉可以染青生河內平澤

陶隱居云此即今綵繒音禁碧所用者至

解毒人卒牙忽也不能得生藍汁乃浣縹布汁以解之亦善以

汁塗五心又止煩悶尖葉者為勝甚療蜂螫毒唐本注云藍實

有三種一種圍徑二寸許厚三四分出嶺南云療毒腫太常名

此草為木藍子如陶所引乃是菰藍其汁拌音更切為鍛音闕

者按經所用乃是蓼藍實也其苗似蓼而味不辛者此草汁療

熱毒諸藍非比且二種藍今並堪染菰藍為鍛惟堪染青其蓼

藍不堪為鍛惟作碧色爾臣禹錫等謹按蜀本圖經云桑似水

爾雅云歲馬藍注今大桑冬藍也疏今為鍛者是也藥性論云

藍實君味甘能填骨髓明目利五藏調六腑利關節治經絡中結氣使人健少睡益心力藍汁止心煩燥解蠱毒日華子云吳藍味苦甘冷無毒治天行熱狂丁瘡游風熱毒腫毒風癰除煩止渴殺疳解毒藥毒箭金瘡血悶蟲蛇傷毒刺鼻供吐血排膿寒熱頭痛赤眼產後血運解金石藥毒解狼毒射罔毒小兒壯熱熱疳陳藏器云蘇云菰藍造鍛按鍛多是槐藍蓼藍作者入藥勝槐藍藏器寒傳熱瘡解諸毒澤傳小兒禿瘡熱腫初作上沫堪染如青黛解毒小兒丹熱和水服之藍有數種蓼藍最堪入藥甘藍北人食之去熱黃也又云青布味鹹寒主解諸物毒

天行煩毒小兒寒熱丹毒並水漬取汁飲燒作黑灰傳惡瘡經年不差者及灸瘡止血令不中風水和蠟熏惡瘡入水不爛熏嗽殺蟲熏虎狼咬瘡出水毒又於器中燒令煙出以器口熏人中風水惡露等瘡行下得惡汁知痛痒差又入諸膏藥療下腫狐刺等惡瘡又浸汁和生薑煮服止霍亂真者入用假者不中

圖經曰

藍實生河內平澤今處處有之人家蔬圃中作畦種時三月四月生苗高三二尺許葉似水蓼花紅

實亦若蓼子而大黑色五月六月採實按藍有數種有木藍山嶺南不入藥有菰藍可以為澱者亦名馬藍爾雅所謂葭馬藍是也有蓼藍但可染碧而不可作澱即醫方所用者也又福州有一種馬藍四時俱有葉類苦益菜土人連根採之焙擣下篩酒服錢匕治婦人敗血甚佳又江寧有一種吳藍二三月內生如蒿狀葉青花白性寒去熱解毒止吐血此二種雖不類而俱有藍名又古方多用吳藍者或恐是此故并附之後漢趙岐作藍賦其序云余就醫偃師道經陳留此境人皆以種藍染紺為業藍田彌望黍稷不植至今近京種藍特盛云藍汁治蟲多傷咬劉禹錫傳信方著其法云取大藍汁一碗入雄黃麝香二物隨意着多少細研投藍汁中以點咬處若是毒者即并細服其汁神異之極也昔張薦貞外在劍南為張延賞判官忽被斑蜘蛛咬頂上一宿咬處有二道赤色細如箸繞項上從前下至心經兩宿頭面腫疼如數升盪大肚漸腫幾至不救張相素重薦因出家財五百千并薦家財又數百千募能療者忽一人應召云可治張相初甚不信欲驗其方遂令目前合藥其人云不

惜方當療人性命耳遂取大藍汁一甕盃取蜘蛛投之藍汁久方出得汁中甚困不能動又別擣藍汁加麝香末更取蜘蛛投之至汁而死又更取藍汁麝香復加雄黃和之更取一蜘蛛投計中隨化為水張相及諸人甚異之遂令點於咬處兩日內悉平愈但咬處作小瘡痂落如舊又中品者青黛條云從胡國來及太原廬陵南康等染殿亦堪傳熱毒等染瓷瓦上地抹紫碧色者同青黛功

聖惠方

治時氣熱毒心神煩躁用藍汁頻頻服半合

又方

治小兒中蠱下血欲死擣青藍

汁頻頻服半合

千金方

治唇上生瘡連年不差以八月藍葉一斤擣取汁浣不過三日差

又方

治白

縊死以藍汁灌之又極須安定其心徐緩解切勿割斷繩抱取心下猶溫者刺雞冠血滴着口中即活也男雌女雄熊傷人瘡燒青布熏瘡中毒出仍煮葛根令濃汁以洗瘡日十度并擣葛根為散煮葛根汁服方寸匕日五服差

又方

治驚癇藍葉一斤擣以水三升絞取汁服一升日二

千金翼

治急疳蝕鼻口數日欲死取藍澱傳之令遍日十度

肘後方

陰陽病令身體重小腹急熱上衝背頭重不能度差鼠屎兩頭尖者二七枚煮取二升盡服之溫覆取汗

布絞汁飲之

葛氏方

新被毒箭擣藍青絞汁飲并傳瘡上如無藍可漬青

亦以灌瘡中

又方

中水毒擣藍青汁以少水和傳頭面身上令匝

又方

服藥過劑煩悶及中

毒煩悶欲死擣藍取汁服數升無藍院青絹取汁飲亦佳 又方 食杏仁中毒 梅師方 治

傷人瘡取青布緊捲作纏燒一頭內 又方 治上氣咳嗽中作聲

竹筒中射瘡口令煙熏入瘡中佳 又方 治小兒丹藍

黏以藍實葉水浸良久擣絞取汁一升空腹頻服須臾以杏仁研取汁煮粥食之一兩日將息依前法更服吐痰盡方差

子母秘錄 藍汁二升分四服 又方 治小兒丹藍

廣五行記 永徽中絳州僧病噎不下食告弟子吾死之後 視育中得一物形似魚而有兩頭遍體是肉鱗弟子致器中跳躍不止戲以諸味皆隨化盡時夏中藍盛作飯有一僧以飯致

器中此蟲遂變器中走須臾化為水




鳳翔府芎藭



所有

永康軍芎藭



芎藭味辛溫無毒主中風入腦頭痛寒痺筋攣緩急

金瘡婦人血閉無子除腦中冷動面上遊風去來目

淚出多涕唾忽忽如醉諸寒冷氣心腹堅痛中惡卒

急腫痛脅風痛溫中內寒一名胡窮一名香果其葉

名蘼蕪生武功川谷斜谷西嶺二月四月採根暴乾

得細辛療金瘡止痛得牡蠣療風頭吐逆白芷為之使陶隱居

云今惟出歷陽節大莖細狀如馬銜謂之馬銜芎藭蜀中亦有

而細人患齒根血出者含之多差苗名蘼蕪亦入藥別在下說

俗方多用道家時須爾胡居士云武功去長安二百里正長安

西與扶風狄道相近斜谷是長安西嶺下去長安一百八十里

山連接七百里唐本注云今出秦州其人間種者形塊大重實

多脂潤山中採者瘦細味苦辛以九月十月採為佳今云三月

四月虛惡非時也陶不見秦地芎藭故云惟出歷陽歷陽出者

今不復用呂禹錫等謹按蜀本圖經云苗似芹胡荽蛇床葦叢

生花白今山秦州者為善九月採根乃佳

吳氏云芎藭神農黃

帝岐伯雷公辛無毒扁鵲酸無毒季氏生溫熟寒或生胡無桃

山陰或太山葉香細青黑文赤如蘘本冬夏叢生五月華赤七

月實黑莖端兩葉三月採根有節似馬銜狀藥性論云芎藭臣

能治腰脚軟弱半身不遂主胞衣不出治腹內冷痛日華子云

畏黃連治一切風一切氣一切勞損一切血補五勞壯筋骨調
衆脉破癥結宿血養新血長肉鼻洪吐血及弱血痔瘻腦癰發
背癰癰贅瘡疥
及排膿消瘀血

圖經曰

芎藭生武功川谷斜谷西嶺蘼蕪芎藭苗也生雍州
川者爲勝其苗四五月間生葉似芹胡荽蛇牀葷作叢而
淮南子所謂夫亂人者若芎藭之與蘼本蛇牀之與蘼蕪是也
其葉倍香或時於園庭則芬馨滿徑江東蜀川人採其葉飲
香云可以止泄瀉七八月開白花根堅瘦黃黑色三月四月採
暴乾一云九月十月採爲佳三月四月非時也關中所出者俗
呼爲京芎並通用惟貴形塊重實作雀腦狀者謂之雀腦芎此
最有力也蘼蕪一名蘼古芹字巨斤切古方單用芎藭含咀
以主口齒疾近世或蜜和作指大丸欲寢服之治風痰殊佳

聖惠方

治婦人崩中下血晝夜不止以芎藭一兩剉酒一
大盞煎至五分去滓入生地黃汁二合煎三兩佛

食前分
二服

千金方

治崩中晝夜不止芎藭八兩清酒五升
煎取二升半分三服不耐者徐徐進之

驗後方

治頭風化痰川芎不計分兩用淨水洗浸薄切片子
日乾或焙杵爲末煉蜜爲丸如小彈子大不拘時茶

酒嚼下
一九

斗門方

治偏頭疼用京芎
細剉酒浸服之佳

靈苑方

治婦人經絡住
經三箇月驗胎

法川芎生爲末空心濃煎艾湯下
一匙頭腹內微動者是有胎也

續十全方

治胎忽因倒地
忽舉動擊重促

損腹中不安及子死腹中以芎藭為末酒服方寸匕須臾一二服立出

又方風齒敗口其

藥院方

真宗賜高相國去痰清目進飲食生犀丸川芎

每料入麝腦各一分生犀半兩重湯煮密拌為丸小彈子酒嚼下一丸痰加朱砂半兩兩腸壅加牛黃一分水飛鐵粉

頭目昏眩加細辛一分口眼喎斜炮天南星一分

春秋注

山芎藭能去卑濕風氣簡文帝勸

醫文

麥麴芎藭纔止何魚之腹

藥無味辛溫無毒主欬逆定驚氣辟邪惡除蠱毒鬼

疰去三蟲久服通神主身中老風頭中久風風眩一

名薇蕪一名茫離芎藭苗也生雍州川澤及冤句四

月五月採葉暴乾

陶隱居云今出歷陽處處亦有人家多種之葉似蛇牀而香騷人借以為譬方

藥用甚稀唐本注云此有二種一種似芹葉一種如蛇牀香氣相似用亦不殊爾臣禹錫等謹按爾雅云蘄蒞蘄蕪無注香草葉

小如萎狀疏引郭云如萎焉之狀

圖經曰

蘄蕪說文已具芎藭條下

廣志曰

蘄蕪香草魏武帝以藏衣中

管子曰

五沃之土生蘄蕪

郭璞贊曰

蘄非


以所有

香草亂之蛇牀不
隕其貴自烈以芳

澧州黃連



宣州黃連



黃連味苦寒微寒無毒主熱氣目痛背傷泣出明目
腸辟腹痛下痢婦人陰中腫痛五藏冷熱久下洩
膿血止消渴大驚除水利骨調胃厚腸益膽療瘰癧
久服令人不忘一名王連生巫陽川谷及蜀郡大山

二月八月採

黃芩龍骨理石為之使惡菊花芫花玄參白鮮
畏欬冬勝烏頭解巴豆毒陶隱居云巫陽在建

平今西間者色淺而虛不及東陽新安諸縣最勝臨海諸縣者
不佳用之當布裹按去毛令如連珠俗方多療下痢及渴道方

服食長生唐本注

云蜀道者龕大節平味極濃苦療渴為最江
東者節如連珠療痢大善今澧州者更勝今注醫家見用宣州

九節堅重相擊有聲者為勝臣禹錫等謹按蜀本圖經云苗似
細茶花黃叢生一莖生三葉高尺許冬不凋江左者節高若連

珠蜀都者節下不連珠今秦地及杭州柳州者佳藥性論云黃
連臣一名支連惡白殭蠶忌猪肉惡冷水殺小兒疳蟲點赤眼

昏痛鎮肝去熱毒蕭炳云今出宣州絕佳東陽亦有歙州處州
者欠陳藏器云主羸瘦氣急日華子云治五勞七傷益氣止心

腹痛驚悸煩燥潤心肺長肉止血并瘡疥

盜汗天行熱疾猪肚蒸為丸治小兒疳氣

圖經曰

黃連生巫陽川谷及蜀郡泰山今江湖荆夔州郡亦
有而以宣城者為勝施黔者次之苗高一尺已來葉